

Wachakalcarta, Pablo lelpox, Corinto paklowaxpijiwliajwa

Pablo lelpox carta Corinto paklowaxpijiwliajwa

¹ Xan Pablo, Dios namakafit Jesucristo pej-apóstolliajwan, Dios nanejxasink xot. Xan am-pox carta lelx, Timoteo sɯapich, xamal Jesús pejwɯajan naexasitampimliajwa, Corinto pak-lowaxpijwam. Lelxbej am-pox carta puexa Acaya tɯajɯapijiwliajwa, Jesús pejwɯajan naexasitilia-jwa.

² Waj-ax Dios, wajpaklon Jesucristobej, japi kawɯajnax xamal kajachawaesliajwa, chiekal duilaliajwam, a sew jiw sɯapich.

Pablo lelpox xabich nabijatpoxanliajwa

³ Xatis wajpaklon, Jesucristo pax Diosliajwa, graciastis. Waj-ax Dios nakbeltaen. Pomatkoicha nakkajachawaetbejpon, nabijatas wɯt nejchachaemlaliajwas.

⁴ Xanal nabijatax wɯt asaxanliajwa, Dios nakajachawaet nejchachaemlaliajwan. Samata, xanal xajɯpx, naewɯajnax wɯt kajachawaesliajwan, a sew jiw nabijat wɯt, japibej nejchachaemlaliajwa. Me-ama xanal Dios nakajachawaet, xanalbej naewɯajnaxaelen a sew jiw kajachawaesliajwan.

⁵ Xanal Jesucristo pejjiwan xot, nabijatax wɯt, Dios nakiowa nakajachawaet nejchachaemlalia-jwan.

6 Samata, xanal nabijatax wut, xajupx xamal naewhajnalijwan xamalbej nejchachaemlaliajwam, asamatkoi nabijatam wut. Xajupaxaelenbej xamal naewhajnalijwan Dios kaes xanaboejalijwam xamal bu'welijwapon. Samata, nabijatam wut, me-ama xanal majt nabijatax, ja-am wut, jnabej boejxataae' nabijatampoxkal!

7 Xanal matabijax. Xamal nabijatam wut, Dios kajachawaesaxael. Me-ama xanal nakajachawaet wut, jachiyaxaelbejpon xamalliajwa. Samata, xamal nabijatam wut, Dios kajachawaesaxael nejchachaemlaliajwam. Me-ama xanal majt nabijatax wut, Dios nakajachawaet nejchachaemlaliajwan, jachiyaxaelbejpon xamalliajwa.

8 Takoew, xanal nejxasinkax xamal nejchaxoelaliajwam xabich nabijataxrox, Asia tujnuxotan wut. Xanal jaxot nabijatax wut, nejchaxoelx: “Xabich nabijatas. Samata, kaes bej machiyaxisalbej nabijataspoxanliajwa. Xatis nakbeyaxaelbejpi” —an xanal, nejchaxoelx wut.

9 Xanal xabich nejchaxoelxbej: “Diachwajnakolax Dios naktapaeibej tupaliajwas” —an xanal, nejchaxoelx wut. Japox ja-aech xanal Dios xabich xanaboejalijwan. Japon xajup tupibej mat-elijwa pejme duilaliajwa. Samata, xanal amwutjel chiekal matabijax. Xatis wajut wajaxtat xanaboejaxisal, xajupaxisal xot weliajwas.

10-11 Asew jiw xabich chachoel wut xanalliajwa, Dios nakiowa nabu'wia. Amwutjelbej Dios nakiowa nabu'wia, chachoel wut xanalliajwa. Xamal Dios kawhajnafulam wut xanalliajwa, Dios

nakajachawaesfulaxael xanal weliajwan. Ja-
aech wut, xabich asew jiw taen wut Dios naka-
jachawaetpox, graciaschiyaxaelpi Diosliajwa.

*Ma-aech xot Pablo fulae-el Corinto paklowax
poxade*

¹² Xanal potuajnu^{cha} jiw naewuaj^{nax} wut, xa-
malxotan wutbej, chiekal duilx, me-ama Dios ne-
jxasink. Samata, xanal nejchachaemlax. Xanal
chiekal duilx, Dios nakajachawaet xot. Tajut ta-
jaxtat, matabijaxpoxantat, xanal chiekal duila-
enil.

¹³ Xanal cartan lelx wut, jaxot kaes asaxan
lela-enil. Samata, japacartan xaljowam wut,
chiekal matabijaxaelam. Xan nejxasinkax, car-
tan xaljowam wut chiekal matabijaliajwam xanal
lelxpoxan.

¹⁴ Asew jiw, xamalxotpijiw, chiekal matabija
xanal isxpoxan. Jesucristo pejme pask
wut amp^{ath}atasik, nejxasinkax japamatkoi
xamal xabich nejchachaemlaliajwam
xanal isxpoxanliajwabej. Xanalbej xabich
nejchachaemlaxaelen xamal isampoxanliajwa.

¹⁵ Samata, nejchaxoelx xamal taeliajwan
koleveces.

¹⁶ Xan nejchaxoelx ampox: “Macedonia tuajnu
poxadax wut, matxoela taeyaxaelen Corinto
paklowaxpijiw. Do jawux, baxael, Macedonia
tuajnu^{xot} nawia'nax wut, pejme taeyaxaelen
Corinto paklowaxpijiw. Do jawut, japixotx
wut, japi nakajachawaesaxael Judea tuajnu
pasliajwan” —an, nejchaxoelx wut.

¹⁷ Pe fulae-enil xamal taeliajwan. Xan japox ne-
jchaxoelx wut, diachwuajnakolax fulaesian xamal

taelajwan. Me-ama xabich a sew jiw nejchaxoel asax isliajwa, do jawux, is-elipox, xan jachi-enil.

¹⁸ Dios chiekal matabijt xanal naekichachajba-enilpox. Xanal isaxinil wut asax, “Japox diachwajnakolax isaxaelen” –chi-enil.

¹⁹ Xan Pablo, Silvano supich, Timoteobej, xamalxot naewajnax Jesucristo pejwajan. Jesucristo, Dios paxulan, is-elasia wut, jumchi-elon: “Xan japox isaxaelen” –chi-elon.

²⁰ Puexa Dios chajia jumdutpoxan, japoxan Jesucristo is xatislajwa. Samata, xatis Dios jmtis: “¡Xam xabich pachaemam!” –tis.

²¹ Dios xatis nakkajachawaet kofasamatas Jesús pejwajan naexasichpox. Dios nakmakanotbej japon pejjiwaliajwas.

²² Dios to'ak Espíritu Santo wajmatpaxatanxotaliajwa nakkajachawaesliajwa. Ja-aech wut, xatis matabijas japon pejjiwspx. Samata, xatis chiekal matabijas, Dios chajia jum-aechpox diachwajnakolax japon isaxael japox xatislajwa.

²³ Xan majt nejchaxoelx xamal taelajwan. Pe fulae-enilfuk, xan nejxasinka-enil xot xamal losliajwan, is-emil xot xan to'axpox. Dios chiekal matabijt xan jum-anpox diachwajnakolax.

²⁴ Xanal matabijax, xamal chiekal naexasitam Jesús pejwajan. Samata, xanal to'a-enil xamal naexasisliajwam japawajan. Xanallax nejxasinkax xamal kajachawaesliajwan chiekal nejchachaemlaliajwambej.

2

¹ Samata, nejchaxoelx wut, jum-an xamallajwa:

“Kaes pachaem, tae-elaliajwan Corinto paklowaxpijiw. Xan japi taenx w_{wt}, losaxaelenbej. Lotx w_{wt}, japi nejxaejwaxaes” —an, nejchaxoelx w_{wt} xamalliajwa.

² Xamal nejchachaemlam w_{wt}, xanbej nejchachaemlax. Xamal losaxaelen w_{wt}, xamal nejxaejwaxael. Jachiyaxaelam w_{wt}, xanbej nanejxaejwaxael, xamal losaxaelen w_{wt}.

³ Samata, xan tajut xamal tae-enilfuk. Car-takal asb_{uan} jumch xato'ax xamalliajwa nejxaejwasamata, xamal lotx w_{wt}. Nejchachaemlaxinil, xamalxot pa'ax w_{wt}, losaxaelen xot. Xan f_{ulaechx} w_{wt} xamal poxade, xamalbej nejchachaemlaximil.

⁴ Xan japox carta lel_x w_{wt}, xabich nejchaxoelx xamalliajwa. Nowx_{bej}. Lela-enil carta xamal nejxaejwaliajwa. Xan lel_xlax xamal najut chiekal nejchaxoelaliajwam xamal xabich nejxasinkaxpox.

Pablo Corinto paklowaxpijiw to'apox beltaelija-wapi aton, majt xabich babijax ispon

⁵ Xan tamach nanejxaejwa-el japon atonliajwa, xamalxot xabich babijax is w_{wt}. Puexa xamalbej nejxaejow. Xan nejxasinka-enil japon aton tasalaliajwan.

⁶ Puexa xamal japon aton fiatam, babijax is w_{wt}. Fiatambejpon culto is-elaliajwa, xamal s_{uapich}. Samata, japon koft babijax ispo_x. Amw_{wt}tjel japon aton tapaeyaxaelam pejme culto isliajwa, xamal s_{uapich}.

⁷ ¡Amw_{wt}tjel xamal japon beltaem!
¡Naew_{uaj}andebep_{on} kofsliajwa nejxaejwaspo_x!

Ja-aech wut, japon kofsaxil naexasitpox Jesús pejwujajan.

⁸ Samata, xamal jum-an japon aton pejme chiekal bu'kulaliajwam, japon pajut chiekal matabijsliajwa xamal nejxasinkampox japonliajwa.

⁹ Majt xan lelx wut carta xato'aliajwan xamal poxade, japacarta xato'ax chiekal matabijsliajwan, xamal naexasisaxaelam wut xan xato'axpox japon atonliajwa.

¹⁰ Xamal beltaenam wut japon aton, ja-am wut, xanbej japon aton beltaeyaxaelen. Xan japox jan wut, Cristo taeyaxael beltaenxpox japon atonliajwa. Xan jachiyaxaelen xamal chiekal matabijaliajwam, xamalbej jachiliajwam.

¹¹ Xatis jachiyaxaes Satanás naknaekichachajbasamata. Xatis chiekal matabijas, ma-aech Satanás, jiw naekichachajbasia wut.

Pablo xabich nejchaxoelpox Titoliajwa, Troas paklowaxxot wuton

¹² Pa'ax wut Troas paklowaxxot jiw naewujajnalialjwan Jesús pejwujajan, Dios nakajachawaet xot, xabich pachaemlach naewujajnalialjwan japawujajan.

¹³ Wajkoewan Tito faena-enil xot Troas paklowaxxot, xan xabich nejchaxoelx Titoliajwa. Samata, Troas paklowaxpijiw kijachax, xan fulaelialjwan wut Macedonia tujnux poxade, jaxotde Tito faenaliajwan.

Dios kajachawaech xot, apóstoles xajuprox jiw naewujajnalialjwa Jesús pejwujajan

14 Xanal gracias-an Diosliajwa, japon nakajachawaet xot, Jesús pejjiwan xot. Xanal potuajnucha naewuajna x wut Jesús pejwujajan, Dios nakajachawaet. Xanal Jesús pejwujajan potuajnucha jiw naewuajna x atuaj. Me-ama incienso bowas wut, xabich atuaj xabej-ok, ja-aech Jesús pejwujajan naewuajna xrox. Samata, naexasiti Jesús pejwujajan jum-aechi Jesús pejwujajaniajwa: “Ampawujajan xabich pachaem” –aechi.

15 Dios nejchachaemil, xan jiw naewuajna x wut Jesucristo pejwujajan. Incienso bowas wut, puexa jiw xabejtaena. Ja-aechbej, Jesús pejwujajan xanal naewuajna x wut. Puexa jiw jumtaen japawujajan. Asew jiw naexasit Dios bu'weliajwas. Asew jiw lax naexasis-el japawujajan.

16 Jiw naexasis-elpi napelsaxael Diosliajwa. Asew jiw lax bu'weyaxaes. Xanal Jesús pejwujajan naexasitx, Dios nakajachawaet xot. Samata, xanal xajux jiw naewuajniajwan Jesús pejwujajan, japi Dios bu'weliajwas.

17 Asew jiw naewuajjan Jesús pejwujajan asbuun jumch mosliajwas. Xanallax jachi-enil. Jiw naewuajna x wut japawujajan, chiekal naewuajna x. Kichachajba-enil, Dios nato'a xot, Cristo pejjiwan xotbej.

3

Pajelwujajantat Dios jumdutpox jiw bu'weliajwa

1 Xamal naewuajna x wut Jesús pejwujajan, xanal tajutliajwa jumchi-enil: “Xanal kaes pejme

pachaeman. Me-ama a sew jiw, jachi-enil” — chi-enil tajutliajwa. A sew jiw pat wut xamalxot Jesús pejwajan naewajnalialjwa, japi carta xapat, a sew jiw welelspox japilialjwa. Japox, carta lelspx, jum-aech: “Ampi jiw, Jesús pejwajan naewajanpi” —aechox. Samata, xamal chiekal bu'kulam japi jiw, pat wuti xamalxot. Xanallax xamalxot patx wut, carta xapas-enil xamal itpaelialjwan chiekal namatabijaliajwam, chiekal nabu'kulaliajwambej. Xanal nawewe'pa-elbej xamal lelaliajwam carta xanal xalaelialjwan a sew jiw poxade chiekal japi namatabijaliajwa, chiekal nabu'kulaliajwabejpi.

2-3 Xamal naewajnajax Cristo pejwajan. Samata, amwutjel chiekal duilam. Chiekal duilampox Cristo nejxasink jiw matabijaliajwa. Cristo lela-el cartan jiwliajwa. Lela-elbejpon ia'fachantat. Me-ama chajia Moisés lel, jachi-el Cristo. Pelax Cristo Espíritu Santo to'a lelaliajwa pejjamechan nejmatpumatantat, xamal pajelnejchaxoelaxanliajwa. Samata, amwutjel xamal chiekal duilam xot, a sew jiw chiekal matabija xamal Jesucristo kajachawaesfulpox.

4 Xanal matabijax, Dios nato'a xamal naewajnalialjwan Jesús pejwajan. Dios nakajachawaetbej japoxan isliajwan, Jesucristo pejjiwan xot.

5 Xanal tajut isaxinil Dios pejbichax. Pe nakiowa, Dios nakajachawaet xot, japox bichax nabistax.

6 Dios xanal nakajachawaet jiw naewajnalialjwan pajelwajan. Japawajan jiw to'a-esal Moisés chajia lelpox naexasisliajwapi.

Japawhajanbej najupa-el, Moisés chajia lelpox s̄apich. Espíritu Santo nakajachawaet xot, xanal jiw chiekal naewhajnax, japi jiw chiekal duilaliajwa, me-ama Dios nejxasink. Moisés chajia lelpox xatis wajut puexa chiekal naexasis-esal. Samata, chiekal napelsaxaes Diosliajwa. Naexasich w̄utlax pajelwhajan, Espíritu Santo nakkajachawaesfulaxael chiekal duilaliajwas pomatkoicha Diosxotse.

⁷ Dios majt lel tato'laliajwapoxan ia'fachantat. Do jawut, japa-ia'fachan chaxduton Moisés. Jiw japox chiekal puexa naexasis-el. Ja-aech w̄ut, japi pejbu'whajan Diosliajwa. Napeltbejpi Diosliajwa. Dios chaxdut w̄ut Moisés japa-ia'fachan, Moisés pejxu xabich itliak. Samata, israelitas taeyaxili Moisés pejxu. Moisés xu-itliakpox bijiat toepaful.

⁸ Kaes pejme pachaem pajelwhajan. Ampamatkoian japawhajan naexasich Dios nakbu'welijwa, Espíritu Santo duk xot wajmatpuatanxot.

⁹ Dios tato'alpoxan pachaem. Jiw pajut matabija kastikaxaespo, xabich babijaxan is xoti. Pe kaes pejme pachaem pajelwhajan Dios nakbu'welijwa babijaxan isaspoxanliajwa. Xatis naexasich xot pajelwhajan, babijaxan isaspoxan Diosliajwa chiekal ajil.

¹⁰ Pachaem Dios tato'alpoxan, Moiséstat waeltpro. Pe baxael, Dios wachakalwaeltpro, pajelwhajan, japawhajan kaes pejme chiekal pachaem. Samata, amw̄utjel majt Dios waeltpro Moiséstat, japox chiekal pachaema-ellejen.

¹¹ Dios tato'alpoxan, waeltpro Moiséstat, japox whajan pachaem. Pe baxael, wachakalwhajan

pat wut, kaes pejme pachaem japawuajan. Japawuajanlax namanaxael pomatkoichaliajwa.

¹² Xanal matabijax, japawuajan namanaxael pomatkoichaliajwa. Samata, xanal tajlewla-el jiw naewuajnalijwan japawuajan.

¹³ Jiw naewuajnax wut, chiekal chanaekabuanax japawuajan. Chajiakolaxtat Dios tato'alpoxan, waelt Moiséstat. Japawuajan Moisés chiekal chanaekabuanax wut israelitas, japi chiekal jummatabija-el. Japamatkoiyan, Moisés xu-itliak wut, panuelbu' xumatakaton israelitas taesamata, Moisés pejxu itliakpox toepafulpox.

¹⁴ Moisés naewuajan wut israelitas, japi chiekal jummatabija-el chanaekabuanaspoxan, japi pejnejchaxoelaxan, me-ama matakas wut, ja-aech xoti. Amwutjelbej israelitas pamojiw, japi pejnejchaxoelaxan, me-ama matakas wut, ja-aech. Israelitas naewuajnabaxot chanaexaljows wut Moisés chajia lelpox, japox chiekal jummatabija-eli. Pelax israelitas pamojiw naexaxisaxael wut Jesús tuppox japiliajwa, ja-aech wut, japi chiekal matabijaxael Moisés chajia lelpox.

¹⁵ Amwutjelbej israelitas pamojiw chiekal jummatabija-el, xaljow wut Moisés chajia lelpox. Japi pejnejchaxoelaxan, me-ama matakas wut, ja-aech xoti jummatabija-el.

¹⁶ Pe nakiowa, asew israelitas naexasit wajpaklon Jesucristo pejwuajan. Samata, japi chiekal matabija, xaljow wut Moisés chajia lelpox.

¹⁷ Wajpaklon Jesucristo kaenejchaxoelax, Espíritu Santo suapich. Espíritu Santo duk wajmatpuatanxot. Samata, Espíritu Santo

nakkajachawaesful isasamatas babijaxan. Ja-aech wut, nakwewe'pa-el Moisés chajia lelpox naexasisfulaliajwas.

¹⁸ Samata, xatis babijax isaxisal. Jatis wut, asew jiw matabijaxael, diachwujnakolax Dios chiekal pachaempon. Espíritu Santo nakkajachawaet xot, xatis chimianejchaxoelaxan. Jatis wut, wajnejchaxoelaxan, me-ama Jesucristo nejchaxoel wut, jachiyaxael.

4

¹ Dios xanal nabeltaen xot, nato'a nabichliajwan japon pejbichax. Samata, xanal nejchaxoela-enil kofaliajwan.

² Xanal is-enil padalapoxan. Asaxbej is-enil jiw naekichachajbaliajwan. Dios pejjamechan naewujnax wut, kaes asaxan jiw naewujna-enil. Dios chiekal matabijt xanal jum-anpoxan, puexa japoxan diach chiekal wujnakolax, puexa jiw pajut chiekal matabijaliajwa. Xanal naewujnaxpoxan xabich pachaem.

³ Naewujnax wut, chiekal naewujnax puexa jiw chiekal matabijaliajwa Dios bu'welialjwas. Pe japi naexasis-el wut xanal naewujnaxpox, ja-aech wut, japi jiw pomatkoicha pajut napelsaxael Diosliajwa.

⁴ Japi naexasis-el wut japawujan, pejnechaxoelaxan, me-ama itkua'nik. Pelax naexasiti Jesús pejwujan, japi pejnechaxoelaxan, me-ama itliak. Samata, Satanás, paklonpon ampathatpijiwliajwa, japon nejxasinka-el jiw naexasisliajwa Jesús pejwujan. Cristo, pax Dios suapich, kaenejchaxoelax.

⁵ Xanal naewuajntax wut, naewuajna-enil nasitaeliajwam, naxanaboejalijwambej. Pelax xanal naewuajntax xamal sitaeliajwam wajpaklon Jesucristo. Xanal nabistaxpin xamalliajwa, Jesucristo nejxasinkax xot.

⁶ Dios akaseskolaxtat ampathat is wut, puexa chiekal itkua'nik wut, jawut Dios to'a itliakaliajwa. Jatisbej xatis, Jesús pejwuajan naexasichpis. Amwutjel wajmatpuatantat, me-ama itliak wut, ja-aech, Dios pejjiws xot. Xatis Jesús pejwuajan chiekal matabijas xot, matabijas, Dios xabich pachaempon.

Dios kajachawaetpox pejjiw, xanaboejapi japon

⁷ Xanal tajut tajaxtat mamnika-enil. Me-ama kuarnat piachliajwa pachaemaxil, ja-anbej xanal. Dios nakajachawaet xot, xanal mamnikax. Ja-an wut, jiw nejchaxoel xanalliajwa: “Japi japox is wut, pajut pijaxtat is-el. Japox ispi, Dios kajachawaech xot” –aech jiw xanalliajwa, nejchaxoel wut.

⁸ Xanal nabijatax wut, nejchaemila-enil. Asbuan jumch nejchachaemlax. Xanal asaxanliajwa xabich nejchaxoelx wut, nakiowa Dios xanaboejax nakajachawaesliajwa.

⁹ Asew jiw babijaxan is xanal nabijasliajwan, Dios pejjiwan xot. Pe nakiowa, Dios nakajachawaet. Tamach xanal nawaela-elon. Asew jiwbej nabesia wut, japi xajupa-el, Dios nakajachawaet xot.

¹⁰ Xanal fulaech poxade, jaxotde chachoel. Asew jiw nejchaxoel nabeliajwa. Me-ama Jesús boesas, jachisiabejpi xanalliajwa. Samata, puexa

jiw pajut matabija, xanal chiekal duilx, Jesús nakajachawaet xot.

¹¹ Pomatkoicha chachoel xanalliajwa, asey jiw nabesia xot, Jesús pejjiwan xot. Ja-aech w_{HT}, puexa jiw pajut matabija, xanal chiekal duilx, Jesús nakajachawaesful xot.

¹² Asey jiw xanal nabesia w_{HT}, nakiowa xamal naew_Hajnax Jesús pejw_Hajan. Samata, xamal japaw_Hajan naexasitam xot, pomatkoicha duilaxaelam Diosxotse.

¹³ Dios pejjamechan, chajia lelsprox, j_{HM}-aech w_{HT}, j_{HM}-aechox: “Xan xanaboejtax Dios chajia j_{HM}-aechproxan nakajachawaesliajwa. Samata, japox j_{HM}-an asey jiwliajwa” —aech Dios pejjamechan, chajia lelsprox. Samata, xanalbej nejchaxoelx: “Dios xatis nakkajachawaesaxael” —an xanal, nejchaxoelx w_{HT}. Samata, asey jiw naew_Hajnax Dios pejjamechan.

¹⁴ Wajpaklon Jesucristo t_{HP} w_{HT}, Dios mat-echpon pejme dukaliajwa. Samata, xatis chiekal matabijas. Diachw_Hajnakolax asamatkoi xatis t_{HP}s w_{HT}, baxael, Dios nakmat-eyaxaelbej xatis pejme duilaliajwas. Dios nakmat-ia w_{HT} pejme duilaliajwas, japon nakb_Hflaeyaxael japonxotaliajwas.

¹⁵ Chajia xan nabijatax w_{HT}, asey jiw babijaxan is w_{HT} xanalliajwa, xanal nakiowa naew_Hajnax xamal Jesús pejw_Hajan. Ja-an w_{HT}, xabich xamal naexasitam naew_Hajnaxproxan. Dios xabich xamal kajachawaesful. Samata, xamal chiekal naew_Hajnam w_{HT} asey jiw Jesús pejw_Hajan, Dios kajachawaesful japi jiw naexasisliajwa japaw_Hajan. Samata, Diosliajwa gracias-

aechi. Japibej chiekal matabija Dios, xabich pachaempon.

¹⁶ Samata, xanal nejchaxoela-enil buxkofaliajwan naewuajna xprovan. Kaematkoisful, xanal kaes pakdiachwan wut, ja-an wut, nakiowa kaes chiekal Dios xanaboejafulax.

¹⁷ Xanal nabijatax wut ampthatat, nakiowa nabistax Jesucristoliajwa. Nabijataxprox piachaxil. Asamatkoi japox chiekal toepaxael. Ja-aech wut, Dios xanal nachaxdusaxael pachaempox. Japox toepaxil.

¹⁸ Xanal nejchaxoela-enil ampthatpijawan, taenxprovan. Xanallax nejchaxoelx Diosxotseprovan, taeyaxisalprovan. Ampthatpijawan, taenxprovan, japoxan toepaxael. Diosxotseprovan, japoxanlax, toepaxil. Japoxan pomatkoichaliajwa.

5

¹ Thaejtxot bua-at, kaspox, piachliajwa-el. Ja-aechlap-is wajbu'an. Wajbu'an pomatkoichaliajwa-el ampthatat. Xatis chiekal matabijas. Diosxotse toepaxilba, japaba Dios chiekal chaemt asamatkoi xatis duilaliajwas, tups wut.

² Xatis laelpas wutfuk, xabich nejxasinkas wajbu'an nakwexaliaxaliajwa pajelbu'analiajwas, duilaliajwas pomatkoicha Diosxotse.

³ Jachiyaxaes puexa xatis, asamatkoi, nakbu'xaliaxaxael wut. Samata, kaenanula xatis asabu'anaxaes.

⁴ Xatis laelpas wutfuk, xabich nejxasinkas nakbu'xaliaxaliajwa wajbu'an. Japox jum-an

w_{wt}, j_{um}chi-enil: “Xan tajb_u'txot nakolsasian” —chi-enil. Pe xatis kaenan_ula pajelb_u'anasias. Pe asamatkoi, t_{up}s w_{wt}, duilaxaes toepaxilb_u'antat Diosxotse. Wajb_u'an, ampathatpijax, amxot kaweta toepaxael.

⁵ Diosxotse Dios nakwechaemt pajelb_u'an xatisliajwa. Samata, Dios to'ak Espíritu Santo xatis wajmatp_uatanxotaliajwa. Samata, chiekal matabijax. Diachw_uajnakolax Dios j_{um}dut xatis wajb_u'an, pajelb_u'analiajwas.

⁶ Samata, xanal nejchaxoela-enil kofaliajwan jiw naew_uajnaxpox. Xanal chiekal matabijax. Ampathatat xanal laelpax w_{wt}, me-ama at_uajan w_{wt} tajpaklon Jesucristoxot, ja-an.

⁷ Amw_{wt}tjel xanal Jesucristo tae-enil. Pe nakiowa, Jesucristo chiekal xanaboejax nakajachawaesliajwa. Chiekal xanaboejaxbej asamatkoi duilaliajwan Jesucristoxotse.

⁸ Samata, xanalliajwa kaes pejme pachaem t_upaliajwan, duilaliajwan tajpaklon Jesucristoxotse.

⁹ Samata, laelpax w_{wt}, o, t_up_x w_{wt}bej, nejxasinkax xanal isliajwan Dios nejxasinkpox.

¹⁰ Asamatkoi xanal kaenan_ula nuilaxaelen Jesucristo pe_jw_uajnalel. Japamatkoi japon xanal kaenan_ula nachaxduiyaxael. Xanal chiekal tanbistax w_{wt}, nachaxduiyaxael xabich pachaempoxan. Pe chiekal nabich-enil w_{wt} japonliajwa, xanal nachaxduiyaxilon. Ja-aech w_{wt}, xanal masox namaeyaxaelen.

Amw_{wt}tjel xatis pachaemspox Diosliajwa, Jesucristo t_up xot

11 Xanal chiekal matabijax Jesucristo chiekal sitaeyaxaelenpox, asamatkoi nuilaxaelen xot japon pejwɥajnalel. Samata, xanal jiw xabich naewɥajnax japibej naexaxisliajwa Jesucristo pejwɥajan. Dios chiekal matabijt xanal isfulaxpoxan. Xanal nejxasinkax xamalbej chiekal matabijaliajwam xanal isfulaxpoxan.

12 Xamal chapaeix wɥt tajut isxpoxan, xanal jumchi-enil: “Xanal kaes pachaeman. Me-ama asew jiw, jachi-enil” –chi-enil tajutliajwa. Xanal japox chapaeix xamal chiekal namatabijaliajwam, nejchachaemlaliajwam xanalliajwa, nakajachawaesliajwam, asew jiw natasala wɥt. Xanal natasalapi, japi jiw jum-aech asew jiw chiekal sitaeliajwas. Japi, pachaem wɥt, kabɥan-aechi. Pe japi pejnejchaxoelaxan chaemil.

13 Potɥajɥcha xanal naewɥajnax wɥt Jesús pejwɥajan, asew jiw nakaewa najum-aech xanalliajwa: “Japi jiw na-acha” –na-aechi xanalliajwa asbɥan jumch. Diachwɥajnakolax xanal, na-achax wɥt, ja-an, nabistax xot Diosliajwa. Diachwɥajnakolax xanal na-acha-enil. Potɥajɥcha xanal naewɥajnax xot Jesús pejwɥajan, japox pachaem xamalliajwa.

14 Cristo nanejxasink xanal. Samata, potmatkoicha nabistax japonliajwa. Nejchaxoelxbej: “Cristo tɥp wɥt cruztat, tɥp puexa xatistliajwa. Samata, Diosliajwa, Cristo sɥapich, cruztat tɥps wɥt, jatis. Samata, Cristo mot babijaxan isaspoxanliajwa” –an xanal, nejchaxoelx wɥt Cristo tɥppoxliajwa.

15 Cristo tɥp puexa jiw bu'welialjwa, japi kaes

isasamata pajut isasiapoxan. Japilax isfulaxael Cristo nejxasinkpoxan. Japon tɔp wɔt, mat-echebejpon pejme dukaliajwa japi jiwliajwa.

¹⁶ Samata, xanal amwɔtjel nejchaxoela-enil babijax isliajwan. Me-ama asew jiw, naexasis-eli Jesús pejwɔajan, nejchaxoel babijaxan isliajwa, xanal jachi-enil amwɔtjel. Majt xanal isx babijaxan Jesucristoliajwa. Pe amwɔtjel, jasox chiekal nejchaxoela-enil.

¹⁷ Jesús pejwɔajan naexasitpon, japon aton pajelnejchaxoelax, padujnejchaxoelaxan koft xoton. Ja-aech wɔt, nejchaxoelon pachaempox-ankal.

¹⁸ Dios nakajachawaet xot, xanal pajelnejchaxoelaxan. Samata, amwɔtjel xanal pachaeman Diosliajwa, Cristo tɔp xot xatisliajwa. Dios nabɔxto'a xanal jiw naewɔajnalijwan japi naexasisliajwa Jesús pejwɔajan, pachaemaliajwapi Diosliajwa.

¹⁹ Jesucristo tɔp cruztat puexa jiwliajwa, japi pachaemaliajwa Diosliajwa, naexasit wɔti Jesús tɔppox. Ja-aech wɔt, Dios beltaeyaxael japi jiw babijaxan ispoxanliajwa. Japawɔajan xanal Dios nabɔxto'a jiw naewɔajnalijwan.

²⁰ Xanal Jesucristo pejjiwan xot, naewɔajnax japon pejwɔajan. Xamal naewɔajnax wɔt, me-ama Dios pajut naewɔajan wɔt, ja-an xanal. Samata, xanal jɔm-an Jesucristo pijaxtat xamal chiekal pachaemaliajwam Diosliajwa.

²¹ Jesucristo babijax is-el. Pe xatis babijaxan isaspoxantat, Jesucristo, me-ama babijaxan is wɔt, ja-aechon Diosliajwa. Samata, Jesucristo kimatamatlas cruztat. Samata, amwɔtjel xatis

bɯ'wɯajanjisal Diosliajwa, naexasich xot Jesu-
cristo tɯppox xatisliajwa.

6

¹ Xanal nabistax xot Diosliajwa, xamal jɯm-an
mastaesamatam Dios beltaenpox babijaxan isam-
poxanliajwa.

² Dios pejjamechan, chajia lelspx, jɯm-
aech wɯt, jɯm-aechox Dios jɯmchiyaxaelpox,
asamatkoi Dios jiw beltaeyaxaelpoxliajwa:

“Xan xamal kajachawaesaxaelen, pat wɯt taj-
matkoi xamal bɯ'welialjwan” —aech Dios.
¡Naewe'e! ¡Ma amwɯt, ampamatkoi, xamal
Dios bɯ'weyaxael!

³ Xanal nejxasinkax chiekal nabichliajwan
Diosliajwa. Ja-an xanal, asew jiw japox
taen wɯt, japibej chiekal naexasisliajwa Dios
pejjamechan. Ja-aech wɯt, japi jiw jɯmchiyaxil:
“Dios pejjamechan pachaema-el” —chiyaxili.

⁴ Xanal chiekal isx Dios pejbichax, jiw japoxan
taen wɯt pajut chiekal matabijaliajwa xanal Dios
pejjiwanpox. Samata, xabich nabijatax wɯt,
asaxan nawewe'p wɯtbej, puexa pachaema-el
wɯtbej xanal isliajwan, xanal nakiowa boejtal-
iasfulax.

⁵ Naeyatat namatwɯajselt wɯtbej, jiw jebatat
najia wɯtbej, xabich asew jiw palala wɯt,
naboesasia wɯtbejpi, puexa japoxanliajwa
xanal xabich boejtaliasfulax. Xabich nabistax
wɯtbej tajut natataeflaliajwan, asamadoi
chiekal moejs-enil wɯtbej, Dios pejjamechan jiw
naewɯajnax xot, asamatkoiyan xabich litaxaelax
wɯtbej, puexa japoxanliajwa xanal xabich

boejtaliasfulax. Puexa japoxan natapat wut, nakiowa jiw naewhajnafulax Dios pejjamechan. Ja-an wut, jiw pajut chiekal matabija xanal Dios pejjiwanpox.

⁶ Jiw pajut chiekal matabijaliajwa xanal Dios pejjiwanpox, asax babijax is-enil. Chiekal matabijaxbej chimiawhajan, Jesús pejwhajan, jiw naewhajnaliajwan. Xabich piach boejtaliasfulaxbej, asew jiw babijaxan is wut xanalliajwa. Asew jiwliajwa xanal isxbej pachaempoxan. Jiw chiekal naewhajnaxbej, Espíritu Santo nakajachawaet xot. Chiekal nejxasinkaxbej asew jiw.

⁷ Naewhajnaxbej diachwhajnakolaxpoxkal Jesús pejwhajanliajwa, Dios nakajachawaesful xot. Isxbej pachaempoxan asew jiwliajwa, xanal babijaxan namalechasamata. Japoxan babijaxan potwhajucha xajur.

⁸ Asamatkoi jiw nasitaen. Asamatkoi jiw nasitae-el. Asamatkoi asew jiw chimiajamechan jum-aech xanalliajwa. Asew jiw lax jum-aech babejjamechan xanalliajwa. Jum-an wut diachwhajnakolaxpoxan, asew jiw japoxan jumtaen wut, xanalliajwa jum-aechi: “Japi kichachajbarijiw” –aechi asghan jumch xanalliajwa.

⁹ Jiw, chiekal xanal namatabijapi, japi xanal nataen wut, me-ama namatabija-el wut, ja-aechi xanalliajwa. Asamatkoi xabich chachaelbej xanalliajwa, asew jiw nabesia xot. Pe xanal nakiowa duilafulax. Asamatkoiyan asew jiw xabich nakastikabej. Pe nakiowa, tupa-enil.

¹⁰ Asamatkoiyan, asew jiw babijaxan is wut

xanalliajwa, xanal nanejxaejow. Pe nakiowa, ne-jchachaemlax tajnejchaxoelaxantat. Xanal kijinil. Pe nakiowa, xanal naewhajnaxpi, japi jiw, me-ama kimaenk wut, ja-aechi Diosliajwa, japi naexasit xot xanal naewhajnaxpoxan. Ampathatat xanal kijinil wut, ja-an. Pe Dios nakajachawaet xot, xanal xabich tejew, toepaxilpoxan.

11 Takoew, xamal Corinto paklowaxpijwam, xanal puexa jum-anpoxan, japoxan diach chiekal whajnaxkolax. Samata, tulaela chiekal jum-an japoxan xamal chiekal matabijaliajwam. Xanal xabich nejxasinkax xamal.

12 Xanal kofa-enil xamal nejxasinkaxpox. Amwutjel xamallax xanal chiekal nanejxasinka-emil. Me-ama majt nanejxasinkam wut, jachi-emil.

13 Xamal naewhajnax wut, me-ama kaen aton paxi naewhajan wut, ja-an xanal xamalliajwa. ¡Xanal nanejxasinkde! Me-ama xanal xamal nejxasinkax wut, ¡ja-amsfuldebej xanalliajwa!

Xatis, me-ama Dios pejtemploba wut, jatispox

14 ¡Xamal, Jesús pejwhajan naexasitampim, Jesús pejwhajan naexasis-eli swapich, nabej nakjiye'! ¡Japi swapich, piach nabej nabichbej, kaenejchaxoela-emil xot! Xamal isam pachaempoxan. Pelax japi jiw is pachaema-elpoxan. Japoxan najura-el. Itliakax, itkatax swapich, najura-el. Ja-amlap-is xamal. Babijaxan ispi swapich, xamal, japi swapich, najura-emil.

15 Cristo kaenejchaxoelaxa-el, Satanás swapich. Ja-aechbej Jesús pejwhajan naexasiti.

Xamal kaenejchaxoelaxa-emil, a sew jiw, Jesús pejw^hajan naexasis-eli s^hapich.

¹⁶ Ja-aech Dios pejtemplobaliajwa, ídolo pejtemplobaliajwabej. Japakolebachanxot ajil kaenejchaxoelaxpox. Xatis, me-ama Dios pejtemploba w^ht, jatis. Dios pajut chajia j^hm-aech japoxliajwa: “Xan tajjiwxot dukaxaelen. Japi s^hapich, nan^hamsaxaelenbej. Xan japi pejDios w^hlxaelen. Japibej tajjiw w^hlxael” –aech Dios.

¹⁷ Samata, Dios pejme j^hm-aech: “Jiw babijaxan is xamal duilamxot. Samata, ¡jaxot nakolim asalel duilaliajwam! ¡Xamal nabej is babijaxan, japi jiw ispoxan! Ja-am w^ht, xamal tajjiwaxaelam.

¹⁸ Xan nej-axnaxaelen xamalliajwa. Xamalbej taxi w^ht, jachiyaxaelam” –aech Dios, xabich mamnikpon.

7

¹ Takoew, japox Dios chajia nakj^hmdut xatis chiekal matabijaliajwas. Samata, ¡chiekal duilaxaes babijaxan isasamatas Diosliajwa! Babijaxan majt isas, japoxan chajia nejchaxoels xot isliajwas, ¡puexa japoxan chiekal kofaxaes, duilaliajwas, me-ama Dios nejxasink!

Pablo nejchachaemilpox Corinto paklowaxpijwliajwa

² ¡Xamal nabej kofe' xanal nanejxasinkampox! Xamalxotan w^ht, chinax babijax is-enil kaen atonliajwa. Tabejs-enilbej asan aton pejnejchaxoelax japon babijax isliajwa. Chinax kaen aton naekichachajba-enilbej.

³ Xanal japox jumchi-enil xamal losliajwan. Chajia jum-an xamal pomatkoicha nejxasinkaliajwan, hasta xan tux wut ampathatat.

⁴ Xan matabijtax, xamal naexaxisaxaelam cartaxot lelxpox. Xan jiw chapaeix xamal isampoxan. Japoxan chapaeix wut, xabich nejchachaemlax xamalliajwa. Xan nabijatax wut, nakiowa xabich nejchachaemlax, xamal nejchaxoelx xot.

⁵ Macedonia tujnuxot xanal pa'ax wut, chiekal damlathula-enil, naewujnafulax xot. Amwutjelbej nakiowa chiekal damlathula-enilfuk. Potujnucha jiw naewujnax wut Jesús rejwujajan, puexa chiekal pachaema-el xanalliajwa. Potujnucha chiekal pachaema-el xanalliajwa. Xabich asew jiw nabu'alot Jesús rejwujajan, naewujnax wut. Samata, nejchaxoelx: "Japi nawetabejsaxael naewujnaxpox" —an, nejchaxoelx wut.

⁶ Dios kajachawaet jiw nejxaejwaspi, japi jiw nejchachaemlaliajwa. Japon xanalbej nakajachawaet nejchachaemlaliajwan, Tito pa'an xot.

⁷ Tito pa'an wut, xanal nejchachaemlax. Titobej xabich nejchachaemil xamalliajwa. Samata, xanalbej nejchachaemlax. Japon xanal nachapaei xamal xabich nataesiampox. Nachapaeibejpon xamal xabich nejxaejowpox xanalliajwa, majt ja-aechpoxanliajwa. Nachapaeibejpon xamal nakajachawaesasiampox, asew jiw nabu'alot wut naewujnaxpoxliajwa. Puexa japoxan jumtaenx wut, xan xabich nejchachaemlax xamalliajwa.

⁸ Carta, matxoelalelxpox, xato'ax wut xamal

poxade, japox carta xaljowam wut, xamal nejxaejow. Xan japox carta lel x wutfuk, nejchaxoelx: “Xan nejchachaemla-enil ampox carta lelali-ajwan, Corinto paklowaxpijiw xaljow wut, nejxaejwaxaes xoti” —an, nejchaxoelx wut. Do jawux, xamal japox carta xaljowam wut, diachwujnakolax xamal nejxaejow. Pe nejxaejowpox piacha-el. Samata, xan nanejxaejwa-el, japox carta lel x wut.

⁹ Xan nejchachaemla-enil xamal nejxaejowpox, japox carta xaljowam wut. Xanlax nejchachaemlax, xamal nejxaejow wut, kofam babejnechaxoelaxan. Pe amwutjel, isfulam Dios nejxasinkpoxan. Samata, Dios xabich nejchachaemil xamalliajwa. Carta xato'ax wut xamalliajwa, nejnejchaxoelaxan tabejs-enil.

¹⁰ Kaen aton nejxaejwas wut babijaxan ispoxanliajwa, Dios xajur japon aton beltaeliajwas. Ja-aech wut, japon aton nejxaejwaspox wetoepaxaes. Asan atonlax, babijaxan ispon, kofs-el wut babijax, ja-aech wut, japon aton Dios beltaeyaxisal.

¹¹ Xamal xabich nejxaejow, xaljowam wut carta japon aton xamalxot xabich babijax isponliajwa. Do jawux, xamal isam Dios nejxasinkpox japon atonliajwa. Samata, Dios xabich nejchachaemil xamalliajwa. Xamal chiekal matabijam, ma-am majt xamal. Japon aton fias-emil, xabich babijax is wut. Jawutbej xamal nalala japon atonliajwa, nejlewla xot Dios kastikaxael xot xamal. Samata, japon aton fiatam xot, asew jiw matabija xamal kaenejchaxoelaxa-emilpox, japon aton ispoxliajwa. Amwutjel xamal xabich nataesiam.

¹² Japox carta lel x wut, xan lela-enil asbuan

jumch xamal to'aliajwan japon aton kastikaliajwam. Lela-enilbej japox carta japon aton, pax sapich, chaemsliajwa babijax. Dios matabijt, ma-aech xot lel x japox carta. Xan lel xamal chiekal najut matabijaliajwam, diachwajnakolax xanal nanejxasinkampox.

¹³ Samata, xanal nejchachaemlax, majt nanejxaejow xamalliajwa.

Xanal kaes pejme xabich nejchachaemlax, taenx wut Tito xabich nejchachaemilpox, xamal chiekal bu'kalam xoton.

¹⁴ Tito fulaeliajwa wut xamal poxade, xan japon jum-an xamalliajwa: “Corinto paklowaxpijiw chiekal naexasisaxael ampox carta, xato'axpox” —an Titoliajwa. Diachwajnakolax xamal japox carta xaljowam wut, xan lel xpo x chiekal naexasitam. Samata, xanal, Tito sapich, nejchachaemlax xamalliajwa. Me-ama xan chajia jum-an Titoliajwa, diachwajnakolax japox ja-aech.

¹⁵ Japon Tito nejchaxoel wut xamalliajwa, nejchaxoelon, ma-am xamal, japon naexasitam wut, xamal tato'al wuton. Nejchaxoelbejpon, ma-am xamal, chiekal bu'kalam wut, sitaenam xoton. Samata, amwutjel xamal kaes pejme xabich nejxasinkon.

¹⁶ Xan matabijtax, xamal isampoxan puexa chiekal pachaem. Samata, xabich nejchachaemlax.

8

Jesús pejwajan naexasiti ofrenda owapox kachawaesliajwa kijila, Judea tajanpijiw

¹ Takoew, xamal chapaeyaxaelen chiekal matabijaliajwam, ma-aech Dios, kajachawaet wut Macedonia tɥajnpɥijiw, japi naexasiti Jesús pejwɥajan.

² Japi jiw nabijat, asew jiw babijaxan isas wut japiliajwa, Jesús pejwɥajan naexasit xoti. Pe nakiowa, japi jiw nejchachaemil. Japi jiw, xabich kimaenka-el. Pe nakiowa, japi jiw ofrenda owa kajachawaesliajwa asew jiw. Japixot asew xabich owa. Me-ama kimaenk wut, ja-aechi.

³ Xan tajut chiekal taenx, japi owa wut. Jawut nejchaxoelx: “Japi kaes xabich owa, owa wuti ofrendaliajwa” –an, nejchaxoelx wut. Japi japox to'a-esal. Japi japox pajut is, isasia xot.

⁴ Xanalliajwa japi jiw xabich najɥm-aech: “Xanalbej natapaem ofrenda owaliajwan kajachawaesliajwan naexasiti Jesús pejwɥajan, Jerusalén paklowaxpijiw” –aech japi jiw xanalliajwa.

⁵ Xanal nejchaxoelx wut, ɥm-an: “Japi jiw kijil xot, xabich bej owaxaelbejpi kaeyaxach” –an, nejchaxoelx wut. Pe nakiowa, japi xabich owa. Japilap matxoela nawoeya Diosxot isɥalaliajwa Dios tato'alpoxan. Do japoxwɥx, xanal najɥm-aechi: “Xamal nejxasinkam wut xanal natato'laliajwam, ɥxanal natato'alde! Xanal japoxan isɥalaxaelen, me-ama Dios nejxasink” –aechi xanalliajwa.

⁶ Xanal taenx wut Macedonia tɥajnpɥijiw kaenanɥla ofrenda owaliajwa, jawut xanal Tito to'ax xamal poxade. Tito ɥm-an: “Xam majt kajachawaetam Corinto paklowaxpijiw, tɥadut wuti ofrenda owax kajachawaesliajwapi Jerusalén paklowaxpijiw. ɥXam amwut pejme

fulaem japi ofrenda owax kito'aliajwam, kitoesliajwabejpi!" —an xan Titoliajwa, xamal poxaliajwa wuton.

⁷ Xamal kaes chiekal pachaemam, duilam wut Diosliajwa. Chiekal xanaboejambej Dios. Chiekal matabijambej Dios pejjamechan. Samata, chiekal xajupam asew jiw naewuajnalajwam Dios pejjamechan. Nejxasinkambej chiekal isliajwam Dios pejbichaxan. Xanal xabich nanejxasinkambej. Xamal ja-am xot, ikaes pejme owim ofrenda kajachawaesliajwam Jerusalén paklowaxpijiw!

⁸ Xamal jum-an wut: "Macedonia tuajnujpijiw xabich plata owa ofrendaliajwa Jerusalén paklowaxpijiwliajwa" —an wut, japox jumchi-enil xamal to'aliajwan, me-ama japi, jachiliajwam. Japox jum-an xamal chiekal matabijaliajwam. Xamal owam wut ofrenda, me-ama Macedonia tuajnujpijiw, ja-am wut, asew jiw taeyaxael xamal diachwuajnakolax Dios nejxasinkampim.

⁹ Xamal matabijam, wajpaklon Jesucristo nakkajachawaet, xatis naknejxasink xot. Wajpaklon Jesucristo pas-el wutfuk ampathatasik, xabich kimaenkon. Puexa tato'albejpon. Jawux ampathatat xabich nabijat Jesucristo. Me-ama kijilan xabich nabijat wut, ja-aech Jesucristo xamal kajachawaesliajwa. Ja-aech xoton, xamalliajwa asamatkoi pachaemaxael Diosxotse.

¹⁰ Chajia, asawaech wut, xamal tuaduwwam plata owax ofrendaliajwa kajachawaesliajwam Jerusalén paklowaxpijiw. Xamal ja-am, xabich nejxasinkam xot japox isliajwam. Ampamatkoiyan pachaem xamal plata owax

kitoesliajwam. Japox jum-an, xan tajut nejchaxoelxpox.

¹¹ Majt xamal xabich kajachawaesiasiam Jerusalén paklowaxpijiw. ¡Amwutjel xamal kajachawae'e! ¡Owim ofrenda xajupampoxtat!

¹² Xamal owam wut puexa xajupampoxtat, ja-am wut, Dios nejchachaemlaxael xamalliajwa. Nejew kaesapich owam wut asew jiw kajachawaesliajwam, ja-am wut, Dios nejchachaemlaxael xamal asew jiw kajachawaetampoxliajwa. Dios to'a-el, xamal xabich ajil wut nejew owaliajwam asew jiw kajachawaesliajwam.

¹³ Xamal to'a-enil puexa nejew owaliajwam ofrendaxot, kajachawaetam wut kijila. Puexa nejew owam wut, ja-am wut, xamal najutliajwa namaeyaxil.

¹⁴ Xan nejxasinkax xatis nakaewa nakajachawaesliajwas, asew jiwliajwabej, japi wewe'pas wut. Amwutjel xamal xajupam kajachawaesliajwam kijila, Jerusalén paklowaxpijiw. Asamatkoi, xamalliajwa ajil wut, japibej xamal kajachawaesaxael. Ja-aech wut, kaen xamalxot wewe'paxisal wewe'paspoخان.

¹⁵ Japoxliajwa Dios pejjamechan, chajia lelspx, jum-aech wut, jum-aechox: “Aton xabich naxaeyaxan notpon pajutliajwakal, japon aton wenamana-esal. Asan, aton, naxaeyaxan kaesapich notpon, japon aton wewe'pa-esal” —aech Dios pejjamechan.

Tito f#laechpox Corinto paklowax poxade, kolenje pejnachalan s#apich

16 Xan nejxasinkax xamal kajachawaesliajwan ofrenda owampox kitoesliajwam. Titobej Dios pijaxtat japox nejchaxoel. Samata, gracias-an Diosliajwa.

17 Samata, Tito to'ax xamal taeliajwa, kajachawaesliajwabejpon ofrenda owampox kitoesliajwam. Japon ow-aech. Japon pajut pijaxtat xamal xabich taesiabejpon.

18 Tito, pejnachalan suapich, to'ax. Tito pejnachalan matabijas puexa Jesús pejwɥajan naexasiti, Macedonia tɥajɥpijiw. Sitaensbejpon puexa japi jiw, japon chiekal jiw naewɥajan xot Jesús pejwɥajan.

19 Tito pejnachalan, to'as puexa Jesús pejwɥajan naexasiti, Macedonia tɥajɥpijiw, japon, xan suapich, fɥlaeliajwa Jerusalén paklowax poxade. Ofrenda xalaeliajwan wɥt Jerusalén paklowaxpijiwliajwa, japon nachalaxael, kaes chiekal japi nejchachaemlaliajwapi Diosliajwa. Japi pajut chiekal matabijaxaelbej xatis kajachawaesasiapox, nakaejiws xot.

20 Xanal ofrendaplata pin-iat xafolx wɥt Jerusalén paklowaxpijiwliajwa, japon buflaeyaxaelen, asew jiw xan najɥmchisamata: “Pablo kaesɥapich dijanbej ofrendaplata pajutliajwa” —nachisamata asew jiw xanliajwa.

21 Dios matabijt xanal puexa ofrenda chaxdusaxaelenpox. Pe nakiowa, nejxasinkax puexa jiw chiekal pajut matabijaliajwa xanal puexa ofrenda chaxduiyaxaelenpox japi jiw.

22 Tito, pejnachalan suapich, kaes asanbej to'axaelen, Jesús pejwɥajan naexasitpon. Japon

xabich nakajachawaet. Amwutjel japon xamal xabich kajachawaesasia, wultaen waton Jerusalén paklowaxpijiw kajachawaesasiampox.

²³ Xamalxot asew jiw wujnachaemt wut Titoli-ajwa, xamal jumchiyaxaelam: “Japon Tito, Pablo pejnachalan. Japon xanal nakajachawaet” — chiyaxaelam. Kolenje, Tito nakfulaeyaxaespi, xamalxot asew jiw wujnachaemt wut japi kolenjeliajwa, xamal jumchiyaxaelam: “Ampi kolenje to'as naexasiti Jesús pejwujajan, Macedonia tujnupijiw. Ampi kolenje chiekal pachaem. Samata, asew jiw chiekal sitaen Cristo” — chiyaxaelam japi kolenjeliajwa.

²⁴ Japi, tres poejiw, xamalxot pa'a wut, chiekal bu'kulaxaelam japi pajut chiekal matabijaliajwa xamal nejxasinkampox. Ja-am wut, puexa jiw, naexasiti Jesús pejwujajan, chiekal matabijaxael xamal diachwujnakolax nejxasinkam naexasiti Jesús pejwujajan. Japox wultaen wuti, chiekal matabijaxael xan majt jum-anpoxan xamalliajwa, japox diachwujnakolax, xamal puexa jiw nejxasinkampox.

9

Asew jiw owapox ofrenda Jesús pejwujajan naexasitiliajwa

¹ Diachwujnakolax we'pa-el, xan lel xamal pejme kito'aliajwan ofrenda owaliajwampox naexasitpiliajwa Jesús pejwujajan, Jerusalén paklowaxpijiwliajwa.

² Xan chiekal matabijtax xamal xabich japi kajachawaesasiampox. Samata, xabich

nejchachaemlax xamalliajwa. Chajia Macedonia tɯajɯpijiw jɯm-an xamal Corinto paklowaxpijwamliajwa: “Acaya tɯajɯpijiw, Corinto paklowaxxot duilpi, chajia, asawaestat, owapi ofrenda kajachawaesliajwa Jerusalén paklowaxpijiw. Amwɯtjelbej nakiowa owafɯki ofrenda” –an xamalliajwa. Dolis jawɯt, Macedonia tɯajɯpijiw wɯltaen xamal kajachawaesasiampox Jerusalén paklowaxpijiw. Do jawɯt, Macedonia tɯajɯpijiwbej ofrenda owa kajachawaesliajwapi Jerusalén paklowaxpijiwliajwa.

³ Samata, amwɯtjel Tito to'ax xamal poxade, pejnachala sɯapich, xamal kajachawaesliajwa, ofrenda owampox kitoesliajwam Jerusalén paklowaxpijiwliajwa. Xan tajpasax wɯajna, xamal ofrenda owax kitoes-emil wɯt, ja-am wɯt, japox pachaemaxil xanliajwa, xamalliajwa chajia jɯm-an xot Macedonia tɯajɯpijiwliajwa.

⁴ Xamal poxaxaechan wɯt, Macedonia tɯajɯpijiw xan nakfɯlaen wɯt, xamal toes-emil wɯtfɯk ofrenda owampox, ja-am wɯt, japox pachaemaxil xanliajwa. Japox jachiyaxael, xamalliajwa chajia jɯm-an xot: “Japi xabich kajachawaesasia Jerusalén paklowaxpijiw” –an xot. Japox pachaemaxilbej xamalliajwa, ofrenda owampox kitoes-emil wɯtfɯk.

⁵ Samata, nejchaxoelx Tito wɯajna to'aliajwan, Tito pejnachalabej. Japi xamal kajachawaesaxael kamta kitoesliajwam ofrenda owampox. Xan pasax wɯajna, puexa xamal chiekal kitoesaxaelam ofrenda owax nejmach chalakaliajwa. Jasox najut isaxaelam, nejxasinkam xot. Japox isam

wut, jnabej is, xamal kito'ax xot!

⁶ Xamal nejchaxoelam wut, jnejchaxoelde ampox! Cha-aellulx muthapon, wenakolas wut, kaeyaxach wenakolas. Pelax pinjiyax lul muthapon, xabich pin-iat wenakolas. Jachiyaxaelbej ofrenda owam wut asew jiwliajwa. Pin-iat owam wut kajachawaesliajwam asew jiw, ja-aech wut, asamatkoi asew jiw xamal pin-iat chaxduiyaxaelbej.

⁷ Samata, xamal kaenanula owasiam wut, jowim! Owam wut, jawut, nejchaxoelam wut, jnabej nejchaxoele': "Xan diachwujnakolax nejxasinkanil japi jiw kajachawaesliajwan. Pe nakiowa, nakito'a xot, kajachawaetxlejen" —nabej aeche', nejchaxoelam wut! Dios nejxasink, aton chaxduw wut nejchachaemlaxtat asew jiw.

⁸ Dios xajup chaxduiliajwa puexa xamal wewe'ppoxan. Samata, xamalliajwa puexa wewe'paxil. Japoxan wenamaeflaxaelbej kajachawaesliajwam jiw kijila.

⁹ Dios pejjamechan, chajia lelsprox, jum-aech wut, jum-aechox:

"Aton pejew chaxduw wut kijila, Dios nejkiowaxil. Japon aton mosaxaes pachaempoxan. Japoxan pomatkoichaliajwa. Japoxbej toepaxil" —aechox.

¹⁰ Dios is naebaechpa-athanpi jiw muthaliajwa. Isbejpon pafupi jiw pelaliajwa. Dios kajachawaet wut, muthasi chiekal ti'sfulbej. Do jawux, ti't wut, pachaembej xaeliajwa. Jachiyaxaelbej, Dios xamal chaxduw wut puexa wewe'ppoxan. Samata, xajupaxaelambej kajachawaesliajwam asew jiw.

11 Ja-aech wut, Dios xamal xabich chaxduiyaxael. Samata, xamal xajupaxaelam asew jiw xabich chaxduiliajwam, japi wewe'pas wut. Xamal ofrenda owaxaelam xanal xalaeliajwan Jesús pejwñajan naexasitiliajwa, Jerusalén paklowaxpijiwliajwa. Japa-ofrenda japi chaxdutx wut, graciaschiyaxaelpi Diosliajwa.

12 Asew, Jesús pejwñajan naexasiti, xamal kajachawaetam wut, kajachawaesaximil wewe'paspoxankalliajwa. Kajachawaesaxaelambej japi jiw xabich graciaschiliajwapi Diosliajwa.

13 Jasoxtat ofrenda owam wut kajachawaesliajwam Jerusalén paklowaxpijiw, japi chiekal matabijaxael, diachwñajnakolax xamal chiekal naexasitam Jesús pejwñajan. Japi jumchiyaxaelbej Diosliajwa: “Xam xabich pachaemam” —chiyaxaelpi, xamal ofrenda pin-iat owam xot japiliajwa, puexa asew, Jesús pejwñajan naexasitiliajwabej.

14 Samata, japi jiw Dios kawñajnaxael xamalliajwa, xabich nejxasink xoti xamal. Ja-aech wut, japi pajut matabijaxael Dios xabich xamal kajachawaetpox.

15 Dios paxulan to'a ampathatasik tupaliajwa xatisliajwa. ¡Japox xabich pachaem! Samata, xatis puexa graciastis Diosliajwa. Xatis japox chiekal chanaekabñanaliajwas tampoel.

10

Pablo xajuprox tato'laliajwa Jesús pejwñajan naexasiti, japon apóstol xot

¹ Xan, Pablo, chiekal xamal jumchisian asaxan. Me-ama Jesús ampathatat chiekal jum-aech, xanbej jachisian xamalliajwa. Xamalxota-enil wut, asew jiw nabu'wujajanpaei wut, jum-aechi: “Pablo amxot duk wut, naknaewujajan wutbej, pejlewla wut, ja-aechon. Pelax atuj wuton, carta lel wut xatis naknaewujajnalijwa, pejlewla-el wut, ja-aechon” —aech asew jiw, xanliajwa nabu'wujajanpaei wut.

² Xamal jum-an amwutjel kofaliajwam babi-jaxan isampoxan. Japoxan kofam wut, asamatkoi xamalxot patx wut, losaxinil. Xamalxot asew jiw jum-aech xanliajwa: “Pablo duka-el, me-ama naexasiti Jesús pejwujajan duil wut, jachi-elon. Japon duk, me-ama Jesús pejwujajan naexasis-eli duil wut, ja-aechon” —aech asew jiw xanliajwa. Jiw jum-aechpi japox xanliajwa, xan pa'ax wut, japi jiw losaxaelen.

³ Diachwujajnakolax xanal chiekal jiwankal. Me-ama asew jiw, xanalbej, ja-an. Jesús pejwujajan naewujajna x wut, me-ama, Satanás suapich, nabax. Pe nabe-enil kirixtat. Me-ama ampathatpijiw kirixtat naba, xanal jachi-enil.

⁴ Xanal, me-ama ampathatpijiw, naba wut espadatat, jachi-enilbej. Xanallax Dios nakajachawaet xot, xajux Satanás malechaliajwan. Dios nakajachawaesful xotbej, toesaxaelen jiw natasalapoxan.

⁵ Dios nakajachawaesful xotbej, buxmalechaxaelen asew jiw pajutliajwa najum-aechpi: “Xanal kaes pejme pachaeman. Me-ama asew jiw, jachi-enil” —aechpi pajutliajwa. Japi jiw asax jum-aech, xan jiw naewujajna x wut

asew jiw matabijasamatapi Dios. Xan japi jiw buxmalechax wut, ja-an wut, asew jiw chiekal naexasisaxael Jesús pejwñajan.

⁶ Xamal chiekal naexasitam wut xanal to'axpox, ja-am wut, puexa, asew jiw, xanal naexasis-elpi, japi kastikaxaelen.

⁷ Xamal chiekal taenam jiw kabñan-aechpoxan. Pe diachwñajnakolax xamal matabija-emil japi nejchaxoelprovan, pejmatpñatantat ma-aechbejpi. Asew jiw xanal nabñ'wñajanpaei. Japi pajut jum-aech asew jiwliajwa: “Xanal nabistax Cristoliajwa” –aechi pajutliajwa. Japi jiwbej pajut matabijaxael, xanalbej nabistax Cristoliajwa.

⁸ Xamal nejchaxoelambej xanliajwa: “Pablo pomatkoicha nakchapaei Dios makafichpox apóstolliajwa” –ambej, xamal nejchaxoelam wut xanliajwa. Diachwñajnakolax Cristo nato'a xamal naewñajnalijwan japon kaes chiekal xanaboejalijwam. Cristo nato'a-el tabejsliajwan xanaboejampox japonliajwa. Samata, xan tadala-el jiw jumchiliajwan: “Dios namakafitpox apóstolliajwan” –chiliajwan.

⁹ Xan nejxasinka-enil xamal nejchaxoelaliajwam xanliajwa: “Pablo xatis nakbeljasasia cartaxot lelpoxtat” –chiliajwam. Xan carta lela-enil asbñan jumch xamal japox nejchaxoelaliajwam beljasax.

¹⁰ Asew jiw xanliajwa nakaewa najum-aech asbñan jumch: “Pablo carta xato'a wut xatisliajwa, xabich mamnik wut, ja-aechon. Japacarta xabich tampoelbej xatis chiekal jummatabijaliajwas. Pelax Pablo xatisxot naknaewñajan wut,

mamnika-el wut, ja-aechon. Chiekal naewhajnanelbejon” —aech asew jiw nakaewa xanliajwa.

¹¹ Japi jiw, japox jum-aechpi xanliajwa, chiekal matabijaxael xan isaxaelenpox japiliajwa, xamalxot pa'ax wut. Me-ama cartaxot lelxpox jum-aech, japoxlap pejme xan jachiyaxaelen japi jiwli-ajwa.

¹² Japilax nejchaxoel pajutliajwa: “Xatis kaes pejme pachaems. Me-ama asew jiw, jachi-esal” —aechi, nejchaxoel wut. Japi pajut asew jiw chapaiebij, is wut pachaempoxan, asew jiw sitaeliajwas. Japoxan chapaei wut, japi, me-ama nejliakla wut, ja-aechi. Samata, chapaeipoxan pachaemael. Xanal nejxasinka-enil japox nejchaxoelaliajwan.

¹³ Dios xanal nato'a isliajwan japon pejbichax. Samata, Dios nato'alel xan jiw naewhajnax Jesús pejwhajan. Dios nato'abej xamal, Corinto paklowaxrijwam, naewhajnaliajwan. Xamal chapaieix wut xanal isxpoxan, kaes pejme asaxan chapae-enil xamal kaes nasitaeliajwam. Dios nato'apoxankal isliajwan, japoxankal xamal chapaieix.

¹⁴ Samata, xanal Dios nato'a xot, xamalxot patx wut, naewhajnax chimiawhajan, Jesucristo pejwhajan. Xanallap matxoela naewhajnax japawhajan xamalxot, asew jiw naewhajna-el wutfuk.

¹⁵ Asew naexasit Jesús pejwhajan, asew jiw naewhajnax xot. Samata, japiliajwa xanal jumchi-enil: “Japi naexasit Jesús pejwhajan, xanal naewhajnax xot” —chi-enil. Xanal kaes naewhajnaxian, xamal kaes Jesucristo

xanaboejalijwam. Dios nato'apoxkal, japoxkal xanal nabichaxaelen.

¹⁶ Naew_{uaj}nax bu_xtoetx w_{ut} xamalxotde, jaw_ux, fulaeyaxaelen asapaklowaxan poxade, kaes pejme at_{uaj} poxade. Jaxotan w_{ut}, xanal naew_{uaj}naxaelen Jesús pejw_{uaj}ajan. Xanal nejxasinka-enil naew_{uaj}naliajwan asew jiw w_{uaj}jna chajia naew_{uaj}ajanxot.

¹⁷ Jiw chapaei w_{ut} pajut ispoxanliajwa asew jiwliajwa, ja-aech w_{ut}, chapaeyaxaelbejpi Dios kajachawaechpox japoxan isliajwa. Ja-aech w_{ut}, asew jiw jumtaens w_{ut}, japi jiw sitaeyaxael Dios. Japi chapaeyaxil pajut ispoxanliajwa asb_{uan} jumch asew jiw sitaeliajwas.

¹⁸ Chinax kaen aton pajutliajwa jumchiyaxil: “Xan isxprovan xabich pachaem” —chiyaxil pajutliajwa. Dios jum-aech w_{ut}lax japon atonliajwa: “Xam isampoxan xabich pachaem” —aech w_{ut}, japox xabich pachaemaxael.

11

Pablo tasalapox apóstoles-elpi, patpi Corinto pak-lowaxxot

¹ Asew jiw pajut ispoxan chapaei, asb_{uan} jumch asew jiw sitaeliajwas. Xanbej tajut isxprovan xamal chapaeix w_{ut}, ¡chiekal naewe'e!

² Jasox xamal jum-an, xamal xabich nejxasinkax xot. Me-ama xamal nejxasinkam Dios, xanbej ja-an, xamalliajwa. Nejxasinkax xamal nejxasinkaliajwam Cristo. Me-ama pawis nejxasink pamalkal, ¡xamalbej ja-amde, nejxasinkam w_{ut} Cristo!

³ Chajiakolaxtat Eva naekichachajbas Satanás. Samata, xan xamalliajwa nejchaxoelx: “Satanás bej naekichachajbaxaesbejpi. Japi naekichachajbas wut, kofaxaeli Cristo nejxasinkpox” –an, nejchaxoelx wut xamalliajwa.

⁴ Asew jiw, xamalxot patpi, japi jiw pat naewhajnalajwa asawhajan, Satanás to'aspox. Japawhajan najura-el, Jesús pejwhajan shapich, xanal naewhajnaxpox. Japi xamal naewhajan wut, chiekal naewetam. Xanal naewhajnaxpox Espíritu Santo nejmatpahatanxotaliajwa, japawhajanliajwa japi jiw naewhajan asawhajantat. Xanal naewhajnaxpoxbej, chimiawhajan, Dios xamal bu'weliajwa, japi japoxliajwa naewhajan wut, naewhajanbej asawhajantat.

⁵ Japi pat wut xamalxot, nejchaxoelam japi jiwliajwa: “Diachwhajnakolax ampi jiw kaes pejme pachaem, apóstoles xot” –an, nejchaxoelam wut. Japi pajutliajwa nejchaxoelbej: “Xatis kaes pejme pachaems. Me-ama asew jiw jachi-esal” –aechi, nejchaxoel wut pajutliajwa. Xanlax japox nejchaxoela-enil: “Japi kaes pejme pachaem. Me-ama xan, jachi-el” –chi-enil, nejchaxoelx wut japi jiwliajwa.

⁶ Xan tajut chiekal matabijtax. Jiw pejwhajnalel naksiyax wut, chiekal naewhajna-enil. Me-ama aton xabich matabijtron naewhajan wut, xan jachi-enil. Pe nakiowa, xan tajut matabijtax, xamal chiekal chanaekabhanax. Samata, xamal chiekal matabijam naewhajnaxpoxan, chiekal naewhajnax xot Jesús pejwhajan.

⁷ Xamal naewhajnax wut Dios bu'weliajwa xa-

mal, mat-omwɔljoe-enil. Ja-an wɔt, ¿xamalliajwakat isx babijax? ¡E! Xan japox isx wɔt, is-enil babijax. Xan na-it-ele-el wɔt, nabistax tajut wɔajsliajwan tejew.

⁸ Xamal naewɔajnaɔ wɔt Jesús pejwɔajan, asatɔajnaɔchanpijiw, Jesús pejwɔajan naexasiti, japi plata naxto'a wɔti xanliajwa, xan kifix japaplata tejew wɔajsliajwan. Ja-an wɔt, xan kaes xajɔpx xamal naewɔajnalialjwan.

⁹ Xamalzotx wɔt, asax nawewe'p wɔt, xamal wɔljoe-enil nachaxduiliajwam. Jesús pejwɔajan naexasiti, Macedonia tɔajnaɔpijiw, nachaxduw xan nawewe'pɔoxanliajwa. Ja-an, xan dukx wɔt xamalzot taliasasamatan. Jachiyaxaelenbej, pejme xamalzotx wɔt.

¹⁰ Xan naexasitx diachwɔajnakolax, Cristo pejwɔajan. Samata, xan jum-anɔox, diachwɔajnakolax. Xan jum-an wɔt: “Acaya tɔajnaɔpijiw mat-omwɔljoe-enil, naewɔajnaɔ wɔt Jesús pejwɔajan” —an wɔt, kaen aton nabɔxfiasaxil, japox jum-an wɔt.

¹¹ Asew jiw jum-aech xamal chiekal jumtaeliajwam xanliajwa: “Pablo xamal nejxasinka-el. Samata, nejew plata kifis-elon” —aechi. Japox diachwɔajnakolaxa-el. Dios chiekal matabijt xamal nejxasinkaxɔox.

¹² Pejme xan patx wɔt xamalzot naewɔajnalialjwan, xamal mat-omwɔljoeyaxinil. Me-ama majt, jachiyaxaelen. Asew, xamalzot patpi, japi xamal mat-omwɔljow, naewɔajan wɔti Jesús pejwɔajan. Samata, japi jiw jumchiyaxil: “Xanal isx puexa, me-ama Pablo is” —chiyaxil japi jiw xanliajwa.

13 Japi diachwajnakolax apóstoles-el. Xamal jum-aech wut: “Xanal apóstoles” —aech wut, japi japox jum-aech xamal naekichachajbaliajwa. Japi xamalxot naewhajan wut, me-ama xanal, Cristo pejiwan wut, apóstoles, ja-aech japi jiw xamal naekichachajbaliajwa. Pe xanal tajjiwa-el japi jiw.

14 ¡Xamal nabej nejchaxoelanuile', apóstoles-elpi is wut, me-ama xanal apóstol, ja-an wut! Satanásbej xajup itliakaliajwa, me-ama Dios pej-ángeles, jachiliajwa jiw naekichachajbaliajwa.

15 Samata, Satanás pejiwbej xajup, me-ama jiw pachaempi wut, kakhanchiliajwa. Japi ja-aech xot, asamatkoi Dios xabich kastikaxaesi, babi-jaxan is xot.

Pablo xabich nabijatpox, apóstol xot

16 Xan pejme jum-an. ¡Xamal nabej nejchaxoele' xanliajwa: “¡Pablo na-acha, pajut ispoxan chapaei xoton!” —nabej aeche', nejchaxoelam wut! Xamal nakiowa xanliajwa jasox nejchaxoelam wut, nata-paeyaxaelam xan jumchiliajwan tajut ispoxanliajwa, me-ama na-achax wut, jachiliajwan, japoxan jum-an wut. Asew, me-ama apóstoles, ja-aechi, pajut ispoxan chapaeipi xamal naekichachajbaliajwa, japi sitaeliajwam. Samata, xanbej tajut ispoxan chapaeiyaxaelen xamal nasitaeliajwam.

17 Tajpaklon nato'a-el xan tajut isxpoxan xamal chapaeliajwan. Pe nakiowa, xan me-ama na-achanan, jasonan, tajut ispoxanliajwa xamal chapaeiyaxaelen xan nasitaeliajwam.

18 Xamalxot patpi pajut ispoxankal xamal chapaeipi. Japi buxdala-el chapaeliajwa japoxan xamalxot, japi chiekal xamal sitaeliajwam.

Samata, xanbej tajut isxpoxan chapaeyaxaelen xamal chiekal xan nasitaeliajwam.

¹⁹ Xamal najut nejchaxoelam: “Xatis kaes pejme chiekal matabijas” –am, nejchaxoelam wut. Pe diachwajnakolax xamal chiekal matabija-emil. Xamal nalala-el japiliajwa, japoxan chapaei wuti. Xamal chiekal naewetam na-acha, japi pat wut xamalxot naekichachajbaliajwa.

²⁰ Xamalxot patpi, japi jiw xamal tato'al. Samata, xamal, japi pamakam wut, ja-am. Japi jiw xamal naekichachajba nejew wenosliajwa. Xamal naekichachajba wut, xamal nalala-el. Japi xamal mastaen wut, asaxan is wutbejpi, xamal nalala-el japiliajwa.

²¹ Xanallax jasox is-enil, xamalxotan wut.

Xamalxot patpi, pajut isxpoxan chapaeipi xamal japi chiekal sitaeliajwam. Xanbej tajut isxpoxan chapaeyaxaelen xamal chiekal nasitaeliajwam, me-ama na-achan, jachiliajwan.

²² Japi pajut jum-aech xamal sitaeliajwam: “Xanal judiosan” –aechi. Xanbej, judios-atonan. Japi pajut jum-aechbej: “Xanal israelitan, Dios pejiwan” –aechi. Xanbej israelita-atonan, Dios pej-atonan. Japi pajut jum-aechbej: “Xanal Abraham pamojiwan” –aechbejpi. Xanbej Abraham pamonan.

²³ Japi pajut jum-aechbej: “Xanal Cristo pamakjiwan” –aechi. Xan kaes pejme Cristo pamaknan. Me-ama japi, jachi-enil. Japox tajutliajwa jum-an wut, me-ama na-achan, ja-an xamalliajwa. Xan xabich kaes pejme nabistax Cristoliajwa. Me-ama japi, jachi-enil. Ja-an wut, pin-iaveces asew jiw namatwajsel. Me-ama japi jiw, xan jachi-

enil. Jiw jebachantat asew jiw xan najia pin-iaveces. Me-ama japi jiw, xanbej jachi-enil. Pin-iaveces asew jiw mox pejnaboesabej.

²⁴ Cinco veces judíos najaelt wut, nakastika. Do jawutbej, namatwuaajselt treinta y nueve veces jiw xaselsmuaatat.

²⁵ Pejme tres veces najaelt wut, naeyatat namatwuaajbe'bala. Kaeweces jiw ia'tat nadadap namatkaejabaliajwa. Tres veces barkamtat chafolx wut, chabu'lax. Kaeweces chabu'lax wut, kaematkoi chatuilx mintat. Kaemadoi mintat chanlianxbej.

²⁶ Xan xabich nanuamtax jiw naewuajnalialjwan Jesús pejwuaajan. Asamatkoi, chafolx wut minlel, xabich chachoel xanliajwa. Asamatkoi, putlel nanuamtax wut, xabich chachoelbej xanliajwa nawenatkowasamata nuamfatat. Asamatkoi xabich chachoelbej xanliajwa jiw tajtuajnuapijiw babijax nawe-isasamata. Asamatkoi chachoelbej xanliajwa asatnuajnuchanpijiw babijax nawe-isasamata. Asamatkoiyan chachoelbej xanliajwa paklowaxanxotx wut, pajilaxxotx wutbej, marxotx wutbej. Asamatkoiyan xanliajwa chachoelbej, jiw naexaxis-elpixotx wut Jesús pejwuaajan.

²⁷ Asamatkoiyan xabich damlax, xabich nabistax xot. Asamatkoiyan moejs-enil madoi. Asamatkoiyan xan xabich litaxaelax. Xabich minsilabej. Asamatkoiyan piach naxae-enil. Asamatkoiyan xabich nabijatax, xabich thank wut, nawewe'p xot naxoe.

²⁸ Xamal chapae-enil pejme kaes asaxan nabi-

jataxpoxan. Amwutjelbej nabijatax, nejchaxoelx wut Jesús pejwujajan naexasitiliajwa, kaenanula paklowaxanxot duilpiliajwa.

²⁹ Jesús pejwujajan naexasiti mamnika-el wut Dios chiekal xanaboejapoxan, ja-aech wut, japi nejxaejwas wut, xanbej nanejxaejow japi jiwliajwa. Aton, Jesús pejwujajan naexasitpon, asey jiw naekichachajbas wut, japon babijax is wut, xanbej xabich nanejxaejow japon atonliajwa. Xabich talalabej japi jiwliajwa, naekichachajba xoti japon aton.

³⁰ Asan nabuxto'a wut asey jiw tajut jumchiliajwanpox, ja-aech wut, chapaeyaxaelen japi jiw pajut chiekal matabijaliajwa xan chiekal mamnika-enilpox.

³¹ Xatis Diosliajwa, Jesucristo pax, jumtis: “Dios, xam xabich pachaemam” —tis pomatkoicha. Japon chiekal matabijt xan jum-anpox diachwujajnakolax.

³² Damasco paklowax ia' chaxajialslox, xabich pinjiyax. Xabich athubejlox. Japox xajajialslox pejfafachan jiw leliajwa japapaklowaxxot. Damasco paklowaxpijin, gobernador, japon makafich rey Aretas gobernadorliajwapon japapaklowaxxot. Xan pa'ax wut Damasco paklowaxxot, japon gobernador kito'a pejsoldaw xan najaelsliajwa. Jawut jum-aechon: “¡Paklowaxfafachan wesfulde, Pablo nakolt wut jaelsliajwam!” —aech gobernador pejsoldawliajwa.

³³ Ja-aech wut, naexasiti Jesús pejwujajan, pinjiyax canastotat nachakakofan ventana tathoetleldik, ia' xajajialsleldik. Ja-aech wut,

xan wiax Damasco paklowaxxot.

12

Pablo chapaeipox masoxtat taenpoxliajwa waj-paklon Jesús

¹ Wajut isaspoخان asew jiw chapaeis wut japi jiw naksitaeliajwa, japox pachaema-el wajutliajwa. Pe nakiowa, xamal chapaejaxaelen xan masoxtat tajut taenxpoخ, xamal chiekal jumtaeliajwam waj-paklon Jesús natulaeltpoخ xanxot. Japon natulaelt xanxot chiekal tajut taeliajwan, xan isfulaliajwan japon nejxasinkpoxan.

²⁻³ Catorce waechanlisox Dios nabu'folpox athu poxase, japon duk poxase. Xan naхтаe-enil, nabu'fol wut Dios. Jalape. Matabijs-enil, tathuálnan nabu'fol wut, o, taj-aelkal bu'fol wut. Kaen Dios japox chiekal matabijt.

⁴ Xan chiekal matabijtax Dios nabu'folpox, japon duk poxase. Jaxochax wut, jumtaenx asew jiw majt jumtae-eljamechan. Dios natapae-el japox asew jiw chapaeliajwan.

⁵ Xan tajut chapaesian wut, japox chapaejaxaelen asew jiw nasitaeliajwa, athu poxase nabu'folpox. Pe japox xan jiw chapaejaxinil. Xanlax chapaejaxaelen chiekal mannika-enilpoxan.

⁶ Xan xabich chapaejaxaelen wut Diosxotse taenxpoخان, me-ama na-acha-enil wut, jachiyaxaelen, diachwujnakolax xot japoxan. Pe japoxan chapaejaxinil jiw nasitaesamata. Xan nejxasinkax jiw nasitaeliajwa Diosliajwa isxpoخانliajwa, asew jiw naewujnaxpoخانliajwabej.

⁷ Dios natapaei pomatkoicha tajbu't nawexaenkaliajwa, japoxtat nabijasliajwanbej. Ja-an wut, Satanás, me-ama pokcho-etat, na-e'atat, nahua'at wut, ja-aech tajbu't nawexaenkaliajwa. Jasox ja-aech, Dios natapaei xot xan nejchaxoelasamatan: “Dios na-itpaei pachaempoxan xan taeliajwan japonxotse. Samata, xan kaes pejme pachaeman. Me-ama asew jiw, jachi-enil” —chisamatan, tajut nejchaxoelx wut.

⁸ Xan tres veces wajpaklon Jesucristo kawuajnx naboejthusliajwa japox waxae.

⁹ Pe naboejthus-elon. Jawut Jesucristo najum-aech: “Xam wewe'p tajnejxasiyaxkal. Xam boejthusaxinil puexa jiw matabijaliajwa xam chiekal mamnika-emilpox” —aech wajpaklon. Samata, xan chiekal nejchachaemlax, jiw pajut matabijaxael xot. Xan puexa chiekal isx, Cristo naka-jachawaesful xot.

¹⁰ Chiekal mamnika-enil wut, nakiowa nejchachaemlax. Asew jiw jum-aech wutbej babejjamechan xanliajwa, Jesús pejwuajan naexasitx xot, xan nakiowa nejchachaemlax. Asaxan nawewe'p wutbej, xan nejchachaemlax. Asew jiw babijaxan is wutbej xanliajwa, naexasitx xot Jesús pejwuajan, xan nakiowa nejchachaemlax. Pachaema-el wutbej nabichliajwan Cristoliajwa, xan nakiowa nejchachaemlax. Jiw pajut taen wut xan mamnika-enilpox, ja-aech wut, japi pajut chiekal matabija, puexa xan japoxan isx Cristo pejkajachawaesaxtat.

Pablo xabich nejchaxoelpox Corinto paklowax-pijwliajwa

¹¹ Xan chapaeix tajut isxpoxan. Me-ama n-achan pajut ispoxan chapaei wut, xan ja-an. Jasox chapaeix, xamal asew jiw chiekal chapae-emil xot xan isxpoxan. Xanlax pachaema-enil. Pe xan kaes pachaeman. Diachwujnakolax apóstoles-elpi, xamal naewetampi, xan jachi-enil.

¹² Xamalxot dukx wut, naewujnax pin-iamatkoiyan, Dios nato'a xot. Isxbej koechaxan. Samata, xamal najut chiekal matabijam, diachwujnakolax xan Cristo pej-apóstolan.

¹³ Xan dukx wut xamalxot, puexa chiekal isfulax xamalliajwa, me-ama asapaklowaxanpijiw, Jesús pejuwujajan naexasitiliajwa, puexa chiekal isx. Ja-an wut, xan asax is-enil xamal taliasliajwan. Xamal wuljoe-enilbej nakajachawaesliajwam nawewe'poxanliajwa. Jasox ja-an wut, xamalliajwa chiekal pachaema-el wut, jxan nabeltaem!

¹⁴ Xan thiltax xamal pejme taeliajwan. Amwut xamal taeyaxaelen wut, japoxtat tres vecesaxael taenxpox xamal. Pejme xamalxot pa'ax wut, xamal wuljoeyaxinil plata nakajachawaesliajwam. Me-ama majt wuljoe-enil plata, pejme xan jachiyaxaelen. Xan nejxasinka-enil nejew plata. Nejxasinkaxlax xamal chiekal naexasisliajwam Dios. Paxjiw chaxduw plata paxiliajwa. Paxi plata chaxdui-el paxjiw. Xamal, taxi wut, jam xanliajwa. Samata, plata xamal wuljoe-enil nachaxduiliajwam.

¹⁵ Xan nejchaxoelx xamalliajwa: “Corinto paklowaxpijiw wewe'pas wut kajachawaesax, puexa

xan tejew toesaxaelen japi kajachawaesliajwan. Xan xajux wut, puexa isaxaelenbej japi kajachawaesliajwan” —an, nejchaxoelx wut xamalliajwa. Xamal kaes nejxasinkax wut, xamallax xan nanejxasinkampox toepaful.

¹⁶ Xamalxotx wut, xan asaxan nawewe'p wut, xamal wuljoe-enil. Pe nakiowa, asew jiw nakaewa najum-aech xanliajwa: “Pablo xatis naknaekichachajba plata nakwenosliajwa” —naeuchi nakaewa xanliajwa.

¹⁷ ¿Xamalkat nejchaxoelam xanliajwa: “Pablo to'api xatisleldin, kaen japixot plata not Pabloliajwapi” —amkat xamal xanliajwa, nejchaxoelam wut? Japox nejchaxoelam wut, diachwujnakolaxa-el.

¹⁸ Tito to'ax wut xamal taeliajwa, jawut asan, Jesús pejwujajan naexasitpon, to'axbej fulaeliajwa, Tito suapich. Japamatkoi, ¿Titokat xamal naekichachajba? ¡Japon naekichachajba-el! Xan, Tito suapich, chiekal kaenejchaxoelaxan. Samata, Titobej xamal wuljoeyaxil plata.

¹⁹ Xamal xanliajwa nejchaxoelambej: “Pablo puexa japoxan pajut pijaxtat nakjum-aechbej xatis tasala-elaliajwas” —ambej, nejchaxoelam wut xanliajwa. ¡E! Japoxliajwa xan jumchi-enil. Xan puexa jum-an, Cristo nejxasinkpoxan, Dios nejchachaemlaliajwa. Xamal nejxasinkax. Samata, puexa japoxan jum-an xamal kajachawaesliajwan, kaes Dios chiekal xanaboejaliam.

²⁰ Xan xabich nejchaxoelx xamalliajwa, ma-am xamal amwutjel, duilam wut. Chiekal bej duilamilbej, me-ama xan nejxasinkax xamal duilali-

ajwam. Xamal nakaewa bej nalotambej. Bej nusasiowlambej. Nalala wut, xabich piach bej nalalabej. Kaenanula xabich bej nejchaxoelambej nejewkalliajwa. Puexa xamal bej jum-ambej babejjamechan asew jiwliajwa. Xamal asew jiw maliach bej bu'wujapanpaeyambej. Bej nejchaxoelambej: “Xatis kaes pejme pachaems. Me-ama asew jiw, jachi-esal” –bej ambej, nejchaxoelam wut. Xamal duilam wut, chiekal bej duila-emilbej. Samata, xamal bej nasaladuilambej. Ja-amsfulam wut, xamalxot patx wut, xan xabich talalaxael japoxanliajwa. Samata, xamal xabich losaxaelen.

²¹ Samata, xan tadalaxael Diosliajwa, xamal amwutjel babijaxan isam xot. Samata, amwutjel xabich nejchaxoelx xamalliajwa. Asew jiw xamalxot chajiakolaxtat babijaxan is. Amwutjelbej asew xamalxot nakiowa japoxan babijaxan isfuluk. Asew watho' bu'moejtbejpi. Kaes asaxan babijaxan isfulbejpi, japi jiw padaeyax wejisal xot. Xamalxot patx wut, japi jiw isful wut babijaxan, xan noeyaxaelen japoxanliajwa, xabich nanejxaejwaxael xot.

13

Pablo kitoesaxaelpox carta lelux Corinto pak-lowaxpijiwliajwa

¹ Amwut, xamal taeyaxaelen wut, ampoxtat tres veces wulxael. Dios pejjamechan, chajia lelslox, jum-aech wut, jum-aechox babijaxan ispiliajwa: “Kaen aton babijax is wut asew jiwliajwa, japi jiw tasala wuti japon aton kastikaliajwas, japi jiw

bɯflaeyaxael kolenje, o, tres aton, chiekal taen-pikal, japon aton babijax is wɯt” —aechox.

² Majt asaviaje wɯt, xamalxot pa'ax wɯt, asew jiw fiatx babijaxan ispoخان kofaliajwa, japi bɯ'wɯajanjilaliajwa Diosliajwa. Xamalxot asew jiw naewɯajnaxbej babijaxan isasamata. Amwɯtjel, atɯajan wɯt, xamal pejme fiatx babijaxan isasamatam. Pejme xamal taenx wɯt, nakiowa babijaxan isfulam wɯt, ja-amsfulam wɯt, xamal beltaeyaxinil.

³ Jasoxtat xamal kastikaxaelen chiekal matabijaliajwam xan diachwɯajnokolax Cristo nabɯxt'o'aponan. Cristo mamnika-ele-el. Pe xamal kajachawaet wɯton, ja-aech wɯt, xamal chiekal matabijam japon pejpamamax.

⁴ ¡Diach japox ja-aechdo! Cristo, me-ama mamnika-el wɯt, ja-aechon, cruztat kimatamatlas wɯt, tɯp wɯtbejpon. Pe Dios mat-echpon pejme dukaliajwa. Me-ama Cristo mamnika-el wɯt, ja-anbej xanal apóstoles. Xanal tajut mamnika-enil. Xanal, Cristo sɯapich, kaemutan. Samata, chiekal duilafulax xamal kajachawaesliajwan, Dios nakajachawaesful xot.

⁵ ¡Xamal najut chiekal nejchaxoelde, diachwɯajnokolax xamal chiekal naexasitam wɯt Cristo pejwɯajan, o, chiekal naexasis-emil wɯtfuk! Ja-am wɯt, diachwɯajnokolax najut chiekal matabijaxaelam, ma-am xamal, Cristo pejwɯajan naexasitam wɯt.

⁶ Xan nejchaxoelx xamalliajwa: “Corinto pak-lowaxpijw chiekal nejchaxoel wɯt, ja-aech wɯt, japi pajut chiekal matabijaxael diachwɯajnokolax

apóstolanponanpox” –an, nejchaxoelx wut xamalliajwa.

⁷ Xanal Dios kawuajna xamal babijaxan isasamatam. Nejchaxoela-enil xamalliajwa: “Corinto paklowaxpijiw chiekal duil wut, diachwuajnakolax puexa jiw chiekal nakmatabijaxael xatis Cristo pejjiwspis” –chi-enil, nejchaxoelx wut. Jasox nejchaxoela-enil. Xanal nejxasinkax xamal isliajwam pachaempoxankal. Jiw xanliajwa jumchiyaxael wut: “Pablo pachaema-el apóstolliajwa” –chiyaxael wuti, xan nejchaxoelaxinil japoxliajwa.

⁸ Pe xan asbuan jumch xamal chanaekabuanaxaelen Jesús pejwuajan, diachwuajnakolaxpox, jiw naexasisliajwa. Xan asax jumchiyaxinil jiw itsalsasamatan japi naexasisliajwa japawuajan.

⁹ Samata, xanal nejchachaemlax, asew jiw najum-aech wut xanalliajwa: “Japi, Jesús pejwuajan chanaekabuanapi, mamnika-el wut, ja-aechi” –aech wut asew jiw xanalliajwa. Xanallax nejxasinkax Dios xanaboejampox chiekal mamnikaliajwa. Xanal Dios kawuajnafulax xamal kaes chiekal Dios xanaboejaliajwam.

¹⁰ Xan ampox carta lelx xamal poxade xato'aliajwan kofaliajwam babijaxan isampoxan tajpasax wuajna. Ja-am wut, xamal losaxinil. Dios nato'a xamal tataeflaliajwan. Samata, xamalxot pa'ax wut, xan nejchachaemlaxinil xamal losliajwan. Xanlax nejxasinkax xamal kajachawaesliajwan, kaes chiekal Dios xanaboejaliajwam.

¹¹ Takoew, ampox carta kitoesliajwan wut,

lelaxaelen ampoخان. Xan nejxasinkax xamal nejchachaemlaliajwam. Nejxasinkaxbej nejchaxoelaliajwam isliajwam pachaempoxan. Nejxasinkaxbej naewesliajwam naewuajnaخوخ, xamal chiekal nejchachaemlaliajwam. Nejxasinkaxbej kaenejchaxoelaxliajwam chiekal duilaliajwam. Ja-am wut, Dios naknejxasinkpon, nakkajachawaetponbej chiekal duilaliajwas, asew jiw suapich, japon xamalxotaxael.

¹² Xamal, Jesús pejwuajan naexasitampim, natamejlam wut, ¡chiekal nakaewa nasaludam!

¹³ Puexa jiw, naexasiti Jesús pejwuajan, saludos xato'a xamalliajwa.

¹⁴ Xan Dios kawuajnax wajpaklon Jesucristo xamal kajachawaesliajwa. Dios kawuajnaxbej xamal asew jiw nejxasinkaliajwam, me-ama Dios xamal nejxasink, jachiliajwambej xamal. Dios kawuajnaxbej Espíritu Santo pomatkoicha puexa xamalxotaliajwapon.

Pajelwaaian Dios pejjamechan
New Testament in Guayabero (CO:guo:Guayabero)
copyright © 2009 Wycliffe Bible Translators, Inc.

Language: Guayabero

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guayabero

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source files
dated 29 Jan 2022
809259d4-ca58-5124-9a05-fd84078a3de3